

ქობულეთის მუნიციპალიტეტის საკრებულოს 2022 წლის 10 ნოემბრის რიგგარეშე სხდომაზე
განხილულ საკითხთა ნუსხა

1.ქობულეთის მუნიციპალიტეტის საკრებულოს თავმჯდომარის მოადგილის გურამ აბაშიძის
გადადგომის შესახებ ცნობად მიღება;

2.„ქობულეთის მუნიციპალიტეტის საკრებულოს კომისიის წევრთა რაოდენობისა და
პროპორციული წარმომადგენლობის კვოტების განსაზღვრის შესახებ“ ქობულეთის მუნიციპალიტეტის
საკრებულოს 2021 წლის 3 დეკემბრის N60 განკარგულებაში ცვლილების შეტანის თაობაზე;

3.ქობულეთის მუნიციპალიტეტის საკრებულოს თავმჯდომარის მოადგილის არჩევის შესახებ;

ქობულეთის მუნიციპალიტეტის საკრებულოს რიგგარეშე სხდომის

ოქმი N12

ქ.ქობულეთი

10 ნოემბერი 2022 წელი

სხდომა დაიწყო: 12-00 საათზე

დამთავრდა: 13-00 საათზე

სხდომას უძღვებოდა: ქობულეთის მუნიციპალიტეტის საკრებულოს თავმჯდომარე დავით
მჭედლიშვილი.

სხდომის მუშაობაში მონაწილეობას ღებულობდნენ: გურამ აბაშიძე, ლაშა ხახუტაიშვილი, ლია
შაქარიშვილი, თეა მოწყობილი, ავთანდილ გოგიბერიძე, ედნარ თურმანიძე, დავით პაპუნაიშვილი,
იოსებ ჟღერიშვილი, ზურაბ ხინიკაძე, ნატო შამილიშვილი, ალექსანდრე ხიდაშელი, ზაზა თხილაიშვილი,
გიზო ხალვაში, ჯეირან წულუკიძე, იამზე ცალქალამანიძე, სოსო ქიზინიძე, გიორგი კარალიძე, ირაკლი
ტაკიძე, ედუარდ ქავჯარაძე, ილონა ანანიძე, ლაშა კომახიძე, ლევან მახარაძე, ნათია თხილაიშვილი,
გიორგი გოგიტიძე, გელა შაქარიშვილი, მირზა მახარაძე, მერაბ ცინცაბაძე, ჯემალ ბლადაძე, თედო
ტაკიძე, მამია ჟორდანია, ირაკლი ქათამაძე, არჩილ ჯაფარიძე, ია მესხიძე, შოთა გოგიტიძე, დავით
ოქროპირიძე.

სხდომას არ ესწრებოდა: სოლომონ ბაჯელიძე, ეკატერინე კოჭლამაზაშვილი, დავით წულუკიძე.

ესწრებოდნენ: აჭარის - TV საზოგადოებრივი მაუწყებელი;

მუნიციპალიტეტის მერიის თანამშრომლები: მინდია მეგრელიძე, სულხან ნიუარაძე.

ქობულეთის მუნიციპალიტეტის საკრებულოს I სტრუქტურული ერთეულის ხელმძღვანელი
(აპარატის უფროსი) - მამუკა ქათამაძე;

ქობულეთის მუნიციპალიტეტის საკრებულოს აპარატის II სტრუქტურული ერთეულის II
რანგის უფროსი საორგანიზაციო და საქმისწარმოების საკითხებში - დავით ჯინჭარაძე;

ქობულეთის მუნიციპალიტეტის საკრებულოს 2022 წლის 10 ნოემბრის რიგგარეშე სხდომის
ოქმის შედგენა დაევალოს ქობულეთის მუნიციპალიტეტის საკრებულოს აპარატის II სტრუქტურული
ერთეულის III რანგის II კატეგორიის უფროს სპეციალისტს საქმისწარმოების საკითხებში მანონი
ვერულიძეს.

საკრებულოს თავმჯდომარე დავით მჭედლიშვილი მიესალმა დამსწრე საზოგადოებას, მან
აღნიშნა, რომ დღევანდელ სხდომას ჯანმრთელობის მდგომარეობის გამო ვერ ესწრება დავით

წულუკიძე, რის გამოც მის ნაცვლად დღის წესრიგით გათვალისწინებულ საკითხს გამოიტანს ლაშა ხახუტაიშვილი. შემდეგ გააცნო დეპუტატებს წარმოდგენილი დღის წესრიგი და დასვა შეკითხვა აქვთ, თუ არა შენიშვნები ან წინადადებები წარმოდგენილ დღის წესრიგთან დაკავშირებით.

ია მესხიძემ გააკეთა განცხადება, რომ დღის წესრიგით გათვალისწინებული საკითხების ამოწურვის შემდეგ გააკეთებდა მოხსენებას მათი გუნდის მიერ ინიცირებულ საკითხებზე.

სიტყვით გამოსვლა ითხოვა ფრაქცია „ერთიანი ნაციონალური მოძრაობა“-ს თავმჯდომარე ლაშა კომახიძემ, როგორც აღნიშნა „პარლამენტში შექმნილი და შემდგომ უკვე ხალხის მიერ განვრცხობილი ე.წ „ხალხის ძალა“, რომელიც ცდილობს, რომ ქართველ ხალხს თვალში ნაცარი შეაყაროს, ეს არის „ქართული ოცნები“-ს ლიდერის ბიძინა ივანიშვილის თამაში, მისი პირადი დავალებაა კრემლისგან, რომ საქართველო გადაიყვანოს პრორუსულ ორბიტაზე და სწორედ ამის გამო აღნიშნულ ფარსში პარტია „ერთიანი ნაციონალური მოძრაობა მონაწილეობას არ ღებულობს“ მისი თქმით ქობულეთის მუნიციპალიტეტში არის უამრავი პრობლემები ინფრასტრუქტურის და სოციალური კუთხით, ასევე სასმელი წყლის პრობლემა დგას გაცილებით უფრო საყურადღებოა, ვიდრე თანამდებობების გადანაწილებაზე ზრუნვა.

საკრებულოს სხდომათა დარბაზი ერთიანი ნაციონალური მოძრაობის ფრაქციის წევრებმა პროტესტის ნიშნად დატოვეს სულ 12 საკრებულოს წევრმა, გამართულ საკრებულოს სხდომას კი ფარსი უწოდეს.

საკრებულოს თავმჯდომარემ კენჭისყრაზე დააყენა წარმოდგენილი დღის წესრიგი:

დღის წესრიგი:

1.ქობულეთის მუნიციპალიტეტის საკრებულოს თავმჯდომარის მოადგილის გურამ აბაშიძის გადადგომის შესახებ ცნობად მიღება;

(მომხსენებელი: დავით წულუკიძე)

2.,„ქობულეთის მუნიციპალიტეტის საკრებულოს კომისიის წევრთა რაოდენობისა და პროპორციული წარმომადგენლობის კვოტების განსაზღვრის შესახებ“ ქობულეთის მუნიციპალიტეტის საკრებულოს 2021 წლის 3 დეკემბრის N60 განკარგულებაში ცვლილების შეტანის თაობაზე;

(მომხსენებელი: დავით წულუკიძე)

3.ქობულეთის მუნიციპალიტეტის საკრებულოს თავმჯდომარის მოადგილის არჩევის შესახებ;

(მომხსენებელი: დავით მჭედლიშვილი)

კენჭისყრის შედეგები:

მომხრე - 24

წინააღმდეგი - 0

კენჭისყრის მონაწილეობდა ქობულეთის მუნიციპალიტეტის საკრებულოს 24 წევრი.

1.ქობულეთის მუნიციპალიტეტის საკრებულოს თავმჯდომარის მოადგილის გურამ აბაშიძის გადადგომის შესახებ ცნობად მიღების თაობაზე - მოხსენება გააკეთა ქობულეთის მუნიციპალიტეტის საკრებულოს თავმჯდომარემ დავით მჭედლიშვილმა, რომელმაც აღნიშნა, რომ გურამ აბაშიძე უერთდება საზოგადოებრივ მოძრაობა „ხალხის ძალა“-ს, რის გამოც ტოვებს ქობულეთის მუნიციპალიტეტის საკრებულოს თავმჯდომარის მოადგილის თანამდებობას. ასევე საკრებულოს წევრმა გიზო ხალვაშმა ითხოვა კომისიებიდან გამოსვლა და უერთდება საზოგადოებრივ მოძრაობა „ხალხის ძალა“-ს.

საკრებულოს წევრებმა ცნობად მიიღეს საკრებულოს თავმჯდომარის მოადგილის გურამ აბაშიძის გადადგომის შესახებ ინფორმაცია.

მიღებულია განკარგულება N60

(განკარგულება თან ერთვის)

2. „ქობულეთის მუნიციპალიტეტის საკრებულოს კომისიის წევრთა რაოდენობისა და პროპორციული წარმომადგენლობის კვოტების განსაზღვრის შესახებ“ ქობულეთის მუნიციპალიტეტის საკრებულოს 2021 წლის 3 დეკემბრის N60 განკარგულებაში ცვლილების შეტანის თაობაზე - მოხსენება გააკეთა საკრებულოს ქონების მართვისა და აგრარულ საკითხთა კომისიის თავმჯდომარემ ლაშა ხახუტაიშვილმა, რომელმაც განმარტა, რომ რომ საქართველოს ორგანული კანონი „ადგილობრივი თვითმმართველობის კოდექსი“-ს 28-ე მუხლის მე-2 3 ქვეპუნქტის შესაბამისად ქობულეთის მუნიციპალიტეტის საკრებულოს იურიდიულ, საპროცედურო და სამანდატო საკითხთა კომისიამ იმსჯელა „ქობულეთის მუნიციპალიტეტის საკრებულოს კომისიის წევრთა რაოდენობისა და პროპორციული წარმომადგენლობის კვოტების განსაზღვრის შესახებ“ ქობულეთის მუნიციპალიტეტის საკრებულოს 2021 წლის 3 დეკემბრის N60 განკარგულებაში ცვლილების შეტანის თაობაზე. ვინაიდან საკრებულოს მუდმივმოქმედი კომისიიდან გავიდა 2 საკრებულოს წევრი, რომლებიც წარდგენილები იყვნენ ფრაქცია „ქართული ოცნება - დემოკრატიული საქართველო“-ს მიერ საჭირო გახდა ზემო აღნიშნულ განკარგულებაში ცვლილების შეტანა და საკრებულოს კომისიის წევრთა რაოდენობა და პროპორციული წარმომადგენლობის კვოტების ახალი განსაზღვრა. აღნიშნულის გათვალისწინებით კომისიას მიზანშეწონილად მიაჩნია შეტანილ იქნეს ცვლილება ქობულეთის მუნიციპალიტეტის საკრებულოს 2021 წლის 3 დეკემბრის N60 განკარგულებაში და განკარგულების დანართი ჩამოყალიბდეს შემდეგი რედაქციით:

N	კომისიის დასახელება	კომისიაში წევრთა რაოდენობა	ფრაქცია „ქართული ოცნება- დემოკრატიული საქართველო“	ფრაქცია „ერთანი ნაციონალური მოძრაობა“	უფრაქციო
1	საკრებულოს იურიდიულ, საპროცედურო და სამანდატო საკითხთა კომისია	17	9	6	2
2	საკრებულოს საფინანსო- საბიუჯეტო და ეკონომიკურ საკითხთა კომისია	17	9	6	2
3	საკრებულოს ინფრასტრუქტურის, სივრცითი - ტერიტორიული დაგეგმარების, ქონების მართვისა და აგრარულ საკითხთა კომისია	17	9	6	2
4	საკრებულოს განათლების, კულტურისა, სპორტის, ტურიზმისა და ახალგაზრდულ საკითხთა კომისია	17	9	6	2
5	საკრებულოს ჯანმრთელობისა და სოციალური დაცვის საკითხთა კომისია	17	9	6	2

აღნიშნული საკითხის ირგვლივ შენიშვნები არ ყოფილა.

საკრებულოს თავმჯდომარე დავით მჭედლიშვილმა კენჭისყრაზე დააყენა „ქობულეთის მუნიციპალიტეტის საკრებულოს კომისიის წევრთა რაოდენობისა და პროპორციული წარმომადგენლობის კვოტების განსაზღვრის შესახებ“ ქობულეთის მუნიციპალიტეტის საკრებულოს 2021 წლის 3 დეკემბრის N60 განკარგულებაში ცვლილების შეტანის თაობაზე საკითხი.

კენჭისყრის შედეგები:

მომხრე - 24

წინააღმდეგი - 0

კენჭისყრაში მონაწილეობდა ქობულეთის მუნიციპალიტეტის საკრებულოს 24 წევრი.

მიღებულია განკარგულება N61

(განკარგულება თან ერთვის)

3. ქობულეთის მუნიციპალიტეტის საკრებულოს თავმჯდომარის მოადგილის არჩევის შესახებ - საკრებულოს თავმჯდომარე დავით მჭედლიშვილმა გააკეთა განცხადება, რომელმაც აღნიშნა, რომ პროფესიონალიზმით და კვალიფიკაციით გამოიჩინა ბატონი გურამი. პატივსაცემია მისი განსხვავებული აზრი, დღეს ყველაზე დიდი მიღწევა ჩვენი ქვეყნის და დემოკრატიის, ევროპისკენ მიმავალი გზაზე, სწორედაც გახლავთ ის, რომ სრულიად თამამად ვაკეთებთ იმ საკითხების განხილვას, რომელიც განსხვავებულ აზრთან არის დაკავშირებული. „ხალხის ძალა“ გამოხატავს თავის აზრს, მისი თქმით, „გარკვეული პერიოდის თანამშრომლობიდან გამომდინარე მე დავინახე მისი მუშაობა საკრებულოს და საორგანიზაციო მუშაობაში, დარწმუნებული ვარ, რომ ეს განსხვავებული აზრი არაფერ მნიშვნელოვანს არ იძენს იმისათვის, რომ ქობულეთის მუნიციპალიტეტის საკრებულომ იმუშაოს“. რის შემდეგაც მომხსენებელმა საკრებულოს თავმჯდომარის მოადგილედ დაასახელა გურამ აბაშიძის კანდიდატურა.

გურამ აბაშიძე დაეთანხმა აღნიშნულ თანამდებობაზე წარდგენას აქვე განმარტა, რომ „ქართული ოცნება -დემოკრატიული საქართველო“ იყო ის ძალა, რომელმაც გადამაწყვეტინა მეზრუნა ხალხის საკეთილდღეოდ, რომელიც საკმაოდ ნაყოფიერი იყო. მისი თქმით „ჩემი გადაწყვეტილება შევუერთდე მომრაობა „ხალხის ძალა“-ს განაპირობა ქვეყნის შიგნით და ქვეყნის გარეთ მიმდინარე პროცესებმა, რომელიც ჩვენი ქვეყნის საზიანოდ ხორციელდება და არა სასიკეთოდ. განსაუთრებით გახდა საჭიროება სიმართლისა, რომელსაც სჭირდება გასაჯაროება, ამიტომ ჩემი მდგომარეობიდან გამომდინარე მივიღე გადაწყვეტილება ამეღო ეს ტვირთი საკუთარ თავზე და სიმართლე რაც აკლია დღეს ჩემს მოსახლეობას ვყოფილიყავი ამის მიწოდების გარანტი“. მან მადლობა გადაუხადა საკრებულოს წევრებს გამოცხადებული ნდობისათვის. მისი თქმით ის რაც დღეს გვაკლია არის კონსტრუქციული ოპოზიცია და არა რადიკალიზმი, აქვე დასძინა, რომ არ ემიჯნება უმრავლესობას და ყველა საკითხი, რომელიც იქნება ქვეყნის სასიკეთოდ გადაწყვეტილი იქნება მის მიერ მხარდაჭერილი.

საკრებულოს თავმჯდომარემ მოუწოდა საკრებულოს იურიდიული საპროცედურო და სამანდატო საკითხთა კომისის წევრებს: ლაშა ხახუტაიშვილს, დავით პაპუნაიშვილს და გელა

შაქარიშვილს, რათა შეედგინათ ბიულეტენები და შეეტანა დასახელებული თავმჯდომარის მოადგილის კანდიდატურა და უზრუნველყოფა კენჭისყრის ჩატარება.

ხმის დამთვლელი დროებითი კომისიის წევრმა ლაშა ხახუტაიშვილმა განმარტა, რომ ფარული კენჭისყრის შედეგად რეგისტრაცია გაიარა 24 დეპუტატმა და 24 ხმით არჩეულ იქნა გურამ აბაშიძის კანდიდატურა, რომელიც დღეიდან საკრებულოს თავმჯდომარის მოადგილე მომრაობა „ხალხის ძალიდან“ -იქნება.

გურამ აბაშიძე - მადლობა გადაუხადა მხარდაჭერისთვის, მისი თქმით ახალი პოზიციიდან მისი შრომა იქნება მაქსიმალურად ორიენტირებული ხალხის მოთხოვნებზე, რა პრინციპიც არის მისი მუშაობის სტილი, მაგრამ ის დოზა რაც უნდა მოვიდეს კონსტუქციული ოპონირების დოზით იქნება, ყველა განცხადება იქნება მხოლოდ ხალხის საკეთილდღეოდ მიღებული.

საკრებულოს წევრებმა მიულოცეს და წარმატებები უსურვეს.

მიღებულია განკარგულება N62

(განკარგულება თან ერთვის)

„გახარია საქართველოსთვის“ წევრმა ია მესხიძემ გააკთა ინიციატივა სახალხო ბიუჯეტირებასთან დაკავშირებით, მისი თქმით მუნიციპალიტეტის მოსახლეობის ჩართულობა არის სწორი პროცესი ბიუჯეტის შედგენის დროს, მოხდეს მათი შეხედულებების გადანაწილება მუნიციპალიტეტის ბიუჯეტის სხვადასხვა საჭიროებებზე, მან მოიყვანა სხვადასხვა ქვეყნის მაგალითი რომლებსაც აქვთ პრაქტიკა მიღებული, მისი თქმით სასურველია ბიუჯეტის 3% დაგეგმვაში მონაწილეობა მიიღოს მოსახლეობამ და აღნიშული ინიციატივა განიხილოს საკრებულომ. მისი თქმით ეს არის სხვა დანარჩენთან ერთად საკითხი, რომელიც მოსახლეობის ნდობას ბიუჯეტის ხარჯვით ნაწილში განსაკუთრებით ამტკიცებს აღმასრულებელი და საკანონმდებლო ორგანოს მიმართ.

რაც შეეხება მეორე ინიციატივას მან მადლობა გადაუხადა ქალბატონ ლია შაქარიშვილს ახალგაზრდული საკრებულოს მიმართ მხარდაჭერისთვის, რომ სამუშაო გარემოს შექმნაში არასდროს შეშლიათ ხელი. მისი თქმით სასურველია ახალგაზრდული საკრებულო იყოს მერიასთან არსებული და განესაზღვროს სტატუსი, ნუ იქნება არასამთავრობო ორგანიზაციასთან არსებული, რომელიც თვით დაფინანსებაზე არსებობს. სტატუსის განსაზღვრის შემდგომ მათ შეიძლება ელემენტარული დაფინანსება მიიღონ, იქნება მეტი თანამშრომლობა. მოითხოვა სამოქმედო გეგმის შემუშავება, სადაც საკრებულოს მეტი დატვირთვა და ძალა ექნება, ვიდრე დღეს არიან ისინი წარმოდგენილი.

დავით მჭედლიშვილმა გააკეთა საპასუხო განცხადება, რაც შეეხება სახალხო ბიუჯეტს, მისი თქმით სამოქალაქო ბიუჯეტი უკვე ადგილობრივ პროგრამულ ბიუჯეტში გათვალისწინებულია.

საკრებულოდან იყო ინიცირება, გამოიყო 300 000 ლარი გასული წლის ბიუჯეტში და ეს პროცედურა გრძელდება. საკმაოდ წარმატებულად მიდის თანამშრომლობა პოლონეთის სოლიდარობის ფონდთან, რომელთა დახმარებითაც გაკეთდა ბევრი საკითხი, გაფორმდა მემორანდუმი და წარმატებით დასრულდა. უახლოეს პერიოდში გვექნება შეხვედრები და განხილვა, ბიუჯეტის დაგეგმვა მოხდება მოსახლეობის მოთხოვნიდან და საჭიროებებიდან გამომდინარე.

რაც შეეხება მეორე საკითხს ქობულეთის ახალგაზრდული საკრებულო მხარდაჭერილ იქნა თითოეული საკრებულოს წევრისგან, იყო პრეცენდენტები გვესწრებიან და გვიზიარებენ მათ შეხდულებებს, გასულ წელს ახლაგაზრდული საკრებულოს თავმჯდომარეს ანა დავითაძეს მიეცა რეკომენდაცია, რომელიც ესტონეთში არის სტუდენტი, მეორე წევრი ივერი ბერიძემ ჩვენი დახმარებით მიიღო პროფესიული განათლება და დღეს არის ესტონეთში უმაღლესი სასწავლებლის სტუდენტი. ახალგაზრდული საკრებულოს მხარდასაჭერად მერიას აქვს განყოფილება, ასევე ფრაქციის თავმჯდომარის გიორგი გოგიტიძის დამსახურებით ბევრი კარგი საქმე გაკეთდა ახალგაზრდების მხარდასაჭერად. ბიუჯეტში გათვალისწინებულია 2000 ლარის ოდენობა, მაგრამ როგორც იურიდიული აიპ ორგანიზაცია ვერ ჩამოყალიბდება, რადგან კანონსაწინააღმდეგოა ასაკობრივი კუთხით. სხვადასხვა პროექტები ხორციელდება და ხდება სამომავლო გეგმებზე მუშაობა.

დღის წესრიგით გათვალისწინებული საკითხების ამოწურვის გამო საკრებულოს თავმჯდომარემ სხდომა გამოაცხადა დამთავრებულად.

ქობულეთის მუნიციპალიტეტის

საკრებულოს თავმჯდომარე



დ. მჭედლიშვილი